



**ՀԱՎԱԿՈՌՈՒՊՑԻՈՆ ՔԱՂԱՔԱԿԱՆՈՒԹՅԱՆ ԽՈՐՀՐԴԻ ԿԱԶՄՈՒՄ ՀԱՍԱՐԱԿԱԿԱՆ
ԿԱԶՄԱԿԵՐՊՈՒԹՅՈՒՆՆԵՐԻ ՆԵՐԳՐԱՎՄԱՆ ԳՈՐԾԸՆԹԱՑԻ ԻՐԱԿԱՆԱՑՄԱՆ
ՆՊԱՏԱԿՈՎ ՍՏԵՂԾՎԱԾ ՀԱՆՁՆԱԺՈՂՈՎ**

Ք.Երևան

17 հուլիսի, 2019թ.

ՈՐՈՇՈՒՄ

**ՀԱՎԱԿՈՌՈՒՊՑԻՈՆ ՔԱՂԱՔԱԿԱՆՈՒԹՅԱՆ ԽՈՐՀՐԴԻ ԿԱԶՄՈՒՄ ՀԱՍԱՐԱԿԱԿԱՆ
ԿԱԶՄԱԿԵՐՊՈՒԹՅՈՒՆՆԵՐԻ ՆԵՐԳՐԱՎՄԱՆ ՆՊԱՏԱԿՈՎ ԱՆՑԿԱՑՎՈՂ ՄՐՑՈՒՅԹԻ
ԱՐԴՅՈՒՆՔՆԵՐԻ ՄԱՍԻՆ**

Հիմք ընդունելով ՀՀ վարչապետի 2019 թվականի հունիսի 24-ի «Հակակոռուպցիոն քաղաքականության խորհուրդի ստեղծելու, խորհրդի կազմը և գործունեության կարգը, խորհրդի կազմում ներգրավվող հասարակական կազմակերպությունների մրցույթի և ռոտացիայի կարգը հաստատելու և Հայաստանի Հանրապետության վարչապետի 2015 թվականի ապրիլի 18-ի N 300-Ն որոշումն ուժը կորցրած ճանաչելու մասին» N 808-Ն որոշումը (այսուհետ՝ Որոշում)՝ ՀՀ արդարադատության նախարարի՝ 2019 թվականի հունիսի 26-ի թիվ 236-Ա հրամանով ստեղծված Հակակոռուպցիոն քաղաքականության խորհրդի կազմում հասարակական կազմակերպությունների ներգրավման գործընթացի իրականացման նպատակով ստեղծված հանձնաժողովը (այսուհետ՝ Հանձնաժողով) միաձայն

ՈՐՈՇԵՑ՝

1. «Մեհրաբյան գիտա-ուսումնական կենտրոն» հասարակական կազմակերպության կողմից ներկայացված հայտին ընթացք չտալ՝ հաշվի առնելով հայտ ներկայացրած հասարակական կազմակերպության կողմից սահմանված ժամկետում



թերությունները չշտկելը և, ըստ այդմ, Որոշման հավելված 2-ի 7-րդ կետով սահմանված պահանջներին չհամապատասխանելը:

2. Հաստատել «Ինֆորմացիայի ազատության կենտրոն», «Թրանսփարենսի ինթերնեշնլ հակակոռուպցիոն կենտրոն», «Հետաքննող լրագրողներ», «Հայկական հոգեբուժական ասոցիացիա» հասարակական կազմակերպությունների և «Իրազեկ քաղաքացիների միավորում» խորհրդատվական հասարակական կազմակերպության կողմից ներկայացված փաստաթղթերի համապատասխանությունը Որոշման հավելված 2-ի 7-րդ կետով սահմանված պահանջներին:

3. Հակակոռուպցիոն քաղաքականության խորհրդի կազմում հասարակական կազմակերպությունների ներգրավման նպատակով անցկացված մրցույթի արդյունքները տրամադրել ՀՀ արդարադատության նախարարին՝ ՀՀ վարչապետին ներկայացնելու նպատակով:

Հանձնաժողովի նախագահ՝

ՍՐԲՈՒՀԻ ԳԱԼՅԱՆ

Հանձնաժողովի անդամներ՝

ԿԱՐԵՆ ՀԱԿՈԲՅԱՆ

ԼՈՒՍԻՆԵ ՄԱՐՏԻՐՈՍՅԱՆ

ՇՈՒՇԱՆԻԿ ՂՈՒԿԱՍՅԱՆ

Հանձնաժողովի քարտուղար՝

ՄԱՐԻԱՄ ԳԱԼՍՏՅԱՆ